

NAQQIUT

Inatsisartut siunnersuut 20. oktober 2010-meersoq taarserpaa

(Nutserinerlunneq pissutigalugu inatsisissap kalaallisut oqaasertaani inatsisissatullu siunnersuummut nassuiaatini naqqiisoqarpoq. Qallunaatuuani allannguisoqanngilaq.)

Siunnersuut uunga: Qimmit qimuttut kiisalu qimmeqarneq qitsuuteqarnerlu pillugit inatsisartut inatsisaata allanngortinneqarneranik Inatsisartut inatsisaat nr. xx. xx 2011-meersoq

(Qimmit paannittartut nukittuullu eqquteqqusaajunnaarnerat)

§ 1

Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaat nr. 18. 30. oktober 1998-meersoq kingullermik Inatsisartut inatsisaatigut nr. 28, 18. november 2010-meersukkut allanngortinneqartumi, makkua allanngortinneqarput:

1. § 10, imm. 2-4, imatut oqaasertaqalissaaq:

”Imm. 2. Qimmit upanninnikkut inunnik kiisisimasut imaluunniit uumasunik allanik toqutsisimasut ingerlaannartumik politiinit toqunneqarnissaat isumagineqartassaaq piginnittumik akilernerqartussamik.

Imm. 3. Qimmit akornanni paannitsitsisarneq inerteqqutaavoq.

Imm. 4. Qimmiuteqarsinnaanissamat pisinnaatitaaffik pineqaatissiinikkut killeqanngitsumik imaluunniit piffissamik killilikkamik arsaarinnissutigineqarsinnaavoq, pineqartoo

1) Qimmeq inunnut imaluunniit uumasunut allannut saassussitissimappagu imaluunniit qunusaarutitut atorsimappagu, imaluunniit

2) Qimmini inunnut imaluunniit uumasunut saassussisoq paasereeraluarlugu unitsinniarlugu qanoq iliuuseqarfigisimannikkuniuk, imaluunniit

3) Qimminik paannitsitsisimappat.”

2. § 12, imm. 1 kingorna ilanngunneqassaaq:

”Imm. 2. Qimminik makkuninnga piginnittuuneq, nunamut eqqussineq aammalu piaqqiortitsineq inerteqqutaavoq:

1) Pitbull terrier.

2) Tosa inu.

3) Amerikansk staffordshire terrier.

4) Fila brasileiro.

5) Dogo argentino.

6) Amerikansk bulldog.

7) Boerboel.

8) Kangal.

9) Centralasiatisk ovtcharka.

10) Kaukasisk ovtcharka.

11) Sydrussisk ovtcharka.

12) Tornjak.

13) Sarplaninac.

Imm. 3. Imm. 2-mi inerteqquteqartitsineq aamma atuutsinneqassaaq qimmeqatigiikkaat assiginngitsut kinguaavi qulaani pineqartunit aallaaveqarsimappat.”

3. § 12 kingorna ilannguneqassaaq:

”§ 12 a. § 12, imm. 2 unioqquillugu qimmit pigineqartut, nunamut eqqunneqarsimasut imaluunniit piaqqiortinneqarsimasut piginnittumut akilerneqartussanngorlugu politiit toqunneqarnissaat isumagineqassaaq qimmimut piginnuttumut taarsiissuteqarfiusussaangitsumik.

Imm. 2. § 12, imm. 2 malillugu qimmip suaassusia imaluunniit sumit uumasunit assigiinngitsunit allanit kinguaajunersoq nalornissutigineqassappat politiit qimmimut piginnittumut piunasaqarsinnaapput qimmit suaassusianut uppernarsaammik takussutisseeqqullugu.

Imm. 3. Piginnittoq erngerluni uppernarsaammik takussutissiisinnaanngippat imm. 2 malillugu, politiit aalajangiinermikkut qimmeq piginnittumit utaqqiisaagallartumik arsaarinnissutigisinnaavaat.

Imm. 4. Utaqqiisaagallartumik piginnittuusumit arsaarinnissuteqarnermi aningaasartuutaajumaartussat piginnittuusumit akilerneqassapput.

Imm. 5. Politiit qimmimut piginnittuusumit qimmip suaassusia pillugu aammalu uumasunit allanit assigiinngitsunit kinguaajunermut uppernarsaammik piunasaqarnerup nalaani tigumminnittup piginnittullu akornanni nalaatsornikkut pisoqarsimanngippat politiit atukkat malillugit naammaginartumik piffissaliisinaapput piginnittuusumit naammattumik uppernarsarneqassasoq qimmeq pineqartoq § 12, imm. 2 malillugu aallaaveqanngitsoq.

Imm. 6. Piginnittup piffissaq politiit tunniunneqarsimasoq malillugu qimmip suaassusianik imaluunniit uumasunit assigiinngitsunit allanit kinguaajunermut uppernarsaammik takussutissiisinnaanngippat § 12, imm. 2 malillugu taava qimmeq §12, imm. 2 malillugu inerteqqutaasutut nalilerneqassaaq.

§ 12 b. Inuit 1. juli 2011 kingorna § 12, imm. 2 malillugu qimmimut imaluunniit uumasut assigiinngitsut allat kinguaavinik pigisaqartut qimmiutertik tigummiinnarsinnaavaat. Piunasaqaatit makkua malinneqassapput:

- 1) Qimmit pineqartut allanut tunniunneqassanngillat
- 2) Qimmit pituutaqartinneqassapput takinerpaamik 2 miiteriusumik takissuseqartussaq aammalu aatsarnaveeqquteqartinneqassallutik kikkut tamarmik angallaffianni.”

4. § 28, imm. 1, imatut allanneqassaaq:

”Aalajangersakkat § 7, imm. 1, § 8, imm. 1, § 9, imm. 1 aamma 2, § 10, imm.1-3, § 12, imm. 2 og 3, § 12 b, §§ 14-18, § 19, imm. 1, 2, 4 og 5, § 20 taavalu § 21, imm. 2 unioqquatinneqarnerisigut akiligassiinermik kinguneqartitsisoqarsinnaavoq.”

5. § 28, imm. 3, imatut allanneqassaaq:

”*Imm. 3.* Ingasattumik imaluunniit arlaleriarnikkut § 10, imm. 1 aamma 3, § 12, imm. 2 og 3, § 12 b taavalu §§ 14-18, unioqquatinneqarsimappata uumasuuteqarsinnaanissamut piginnaatitaaffimmik arsaarinninnermik imaluunniit uumasunik sukut tamatigut sammisaqarnissamut inerteqquteqartitsinissamut pineqaatissiisoqarsinnaavoq.”

6. § 28, imm. 5 kingorna una ilanngunneqassaaq:

”*Imm. 6.* Pillaatitut akiliissutit nunatta karsianut nakkartinneqartassapput.”

§ 2

Imm. 1. Inatsisartut inatsisaat 1. juli 2011 atuutilissaaq, takusiulli imm. 2. takuuk.

Imm. 2. § 12, imm. 2-mi qimmit pineqartut taamaallaat inatsisip atuutilernerata kingorna inunngorsimasunut atuutsinneqassaaq.

Kalaallit Nunaanni Namminersorlutik Oqartussat. Ulloq xx. xx 2011

Kuupik Kleist

/

Ove Karl Berthelsen